




心遠堂詩集



心遠堂詩集卷之三

高陽李 蔚臺書著

遂安毛際可會侯訂

鍾山王才鼎調臣叅

李其凝孟績

男

李其恕仲如

輯

七言古

洗象行

庚寅

長安好事三四人偕我城河觀洗象金火交爭當此辰

煙開清旭涼風蕩傾城兒女藜摩肩曲岸青茸地閒做
龐形紆步來何遲錦衣花毼謹斲養象奴控縱樂隨手
羸跣盤據馴所往四體頑笨運以鼻屈伸掉掇役如掌
皴皮出沒蒼山頽鉅齒掀拏白波仰下蹈泉窟潛龍驚
高漱飛流迅雷響此物初從南徼至日陪羽衛光儀仗
鬪鷄舞馬蹟已非僊遊一闕空遺想瑤光降精或虛傳
俯貪芻豢悲羈鞅君不見焚身之愚自古嗟回首簪裾
意愾悅

風玉篇

引

古人殿閣簷牙有風琴風箏皆因風諧奏韻出
自然元微之詩烏啄風箏碎珠玉僧齊已有風
琴引是也今京師人家亦多懸此爲娛蓋煨土
爲假琉璃若方韻及馬形者又謂之鐵馬每微
風披拂淒惻清冷疾徐合節而蕭晨永夜秋冬
之際尤難爲懷兒童攜寘櫺外蓋飢聞之淡靜
而有得也因成長句命曰風玉篇

莫聽柯亭竹罷奏雍門絃爭如風裏玉流韻出天然漢
家宮闕臨秋敞阿閣璇題麗珠網低窻細語蘭氣多高

揭疑雲雜清韻鷗皮鐵撥無所施金簧瑤軫羞蛾眉素
空起滅奄無迹頓抑宮徵俱相宐當時淡宮幾腸斷轉
瞬星霜時物換至今此地傳遺聲猶向人間話幽怨長
安兒女憐西風共憶僊音想像中聯璫綴貝出纖手流
蘇瑣細搖瓏璫火土相搏幻形質淺白柔藍嬌瑟瑟依
稀鳳翼編崇牙飛動龍媒嘯寒日虛簷清晝時一聲午
夢乍就雙眸驚玉盤欹側驪珠亂秋枝引曳幽蟬鳴閒
宵薄醉枕難着似向琳宮送鈴鐸三山鸞鶴如可尋縹
緲形神欲飛托東家獨宿蕩子妻西家羈旅愁棲棲兩
地同時淚如綫孤燈拭劍霜凝閨人情偶觸應莫止外
物安能役悲喜許由徒挂樹間瓢却爲風聲催洗耳

上元立春詞

辛卯

東風子夜移灰琯虬箭丁丁陽律緩綴枝梅萼凍全舒
堆盤菜甲青猶短車馬生憎夜市稠綺羅頗喜輕寒散
唯有當年執戟郎閉門奇字耽疎嬾

虎丘紀遊

吳俗奢饒重遊事近郭先推虎丘寺山塘七里西北隅
縈紆一水舟而至吳兒盪槳捷於馬折旋往復快人意

峨峨畫舫停中流疎簾縠牖隨布寘徐開桂棹坐簫管
初發歌喉落珠翠百花洲渚惹恨長錦帆涇水流香膩
陟崖見寺不見山凌高錯趾幽異環步臨講座小拳石
俛漱劍石窺激灣僧房瑣曲未能徧雲林虧蔽何媮爛
就中頗愛平遠堂千里北眺一指間洪流支別開地鏡
諸峰沈靚羅煙鬢主人稱快重展席絲凝竹咽來朱顏
盈盈弱步者誰子登場奏劇都且閒雛鸞下雲鬪清暎
乳燕掠水憎輕翮半轉明眸黛痕綠一彈皓腕羅衣殷
滿堂神醉起蹠蹠蕭蒞同列誰爲憐歌聲未闋靄將暮

爲樂已極盍歸旋張燈捩柂喚更酌黑雲送雨風潺湲

閉戶行

北海鷓鴣南山鷓鴣聯味接翼相追隨鷓鴣翔赤霄鷓鴣穢
貪廉賦性殊高卑荆棘刺衣桃李蔭人生所樹唯自詭
甘言對面起山岳美酒歡場藏毒醜嵇康堅臥謝山濤
朱穆忼慨著絕交叔文旣敗柳州竄失身匪類胡可逃
君不見疾驅得駑駘不如健步結交得損友不如閉戶

苦寒行

三首
壬辰

燕山一夜雪後風重衾裹足如水中日車蹙縮藏曉紅

人履河腹聲沖沖椎擊綆挽撼鮫宮

其二

長安索米頻休假時騎羸馬向官舍指裂據鞍不可下
短髭拗折冰花謝枯毫凍研酸風射

其三

蓬門婦子燎茅炬龕糲炊煙僵不舉嗟予苦寒差勝汝
更聞橋下雙鶴語堯年之寒未應許

井異篇

紀庚辰年流賊入洛陷永寧事 少司馬
玉調先生有井異記甚詳讀之敬述斯篇

癸巳

客欲識奇事聽爲歌井異井異昔何始永寧張夫子脫
跡驅獍叢全身戈鋌裏德暉蕩氛祲神衷啓屯否君不
見歲在辰月在丑大聲錙錙墮天狗一炬驟舉崑岡焚
百川橫潰支祁走發難豈惟天意去玩寇亦屬承平久
蛇豕所至無堅城中原千里同摧朽唯公以永父母國
擱然授甲登陴守人情鳥散誰能顧賊勢風馳不待喚
蠶屯肉薄虐燄張扳緣雉堞若培塿乃有人兮城之隍
創焉仆者刃與培主僕蒼皇計已窮旁睨荒甃清且瀏
慷慨下沈欲併命浮而復起物或負跼躬坎窞不容鄰

浸足寒波僅昂首狡徒大索然巨竹煙煤落水充朝糗
賊雛俛瞰驚有人狂獠招呼殺聲吼從井抹人豈其性
投石甘心固兇醜皤皤汲媪胡爲來素縋淡垂如援手
紀綱義腸遇相激竊符矯今爭採取嚴冬夜漏正三下
扶拽艱難行以肘僵屍踐踏遶山城狼狽隻身免虎口
迄今一紀禍亂平碩果慙遺良非偶痛定追思淚仍漬
世遠蹟湮愚所忸願公無忘在井時廻觀大造復何有

西山雪浪歌同魏石生給諫作

甲午

我聞西域雪山照耀一萬里孤高拔地幾千尺日輪碾

軋終古不能損攢峰列巘六月寒人魄中有獨往客金
光瑤草給朝夕褰裳欲從之道遠無羽翼何似西山近
在目睫間鳳城龍闕借顏色四時之美不可以殫述今
帝圃珍怪誰能測北風吹地草木腓雲出膚寸迷朝暉
天吳跳天海水飛雪花如手打人面千山萬山皆白衣
一雪十日不肯晴寒光晶矐天地明祇愁泥滓污城市
寧知天外懸瑤京何來羸馬黃門公立馬叫奇絕張眸
瞪眦精神通目日雪浪將無同胡爲山君宅宛爾河伯
宮陂陔奔洶失高下疑有魚龍鼓鬣出沒乎其中平林

叔杓盡顛踣長松獨立翠如藻荇紛縱橫崖封窟閉狐
兔死逕絕不覩樵人蹤安得丹青好手爲我貌此景加
以小艇披簑翁愛而不見心忡忡雪乎雪乎爾固乘時
弄姿態但恐天心轉春陽紅威銷力盡無所覓山高木
秀萬古還太空

威鳳篇

贈王封翁余同年雨嵐給諫尊人也長山人九子

威鳳翩翩將九子朝遊防丘暮女幾高跡六合出塵滓
覽輝時復來郊時翁昔讀書芥青紫不碎胡琴買知己
折腰勉爲州邑仕拂衣早歸同粟里長白之山石礪礪

翁廬遠與雲霞倚我樵有林釣有水伏臘鷄豚足甘醴
却笑秦家老博士噤噤傳經口無齒何爲自苦乃爾爾
繞膝諸郎競鵲起伯也一鳴弁而頰天書夕拜瑣闥裏
鷄香豸角含清泚雲衢直上平如砥正色諫雷無訛齟
其一亦爲州刺史臨民不怠庭訓旨餘皆珊瑚照海澨
網者徵求正未已諸孫三十何巍巍問安羅立名難紀
朱紱方來帝貽祉安得縮地奉杖履登堂介壽觥以兕

雨謠

哀此萬民淚化爲天河水帝怒決之使下傾浪浪旬月

不可止時丁中夏實麥秋青黃續命唯來牟小麥堅碩
大麥好奄觀銍艾臨田疇何期屏翳肆淫虐陽精短氣
銷炎熇比屋喁喁相向愁種不得收種難穫朝看千壟
如黃雲暮看千壟如青芹兩岐委地同旅穀遺秉滯穗
徒空聞亦有早熟登場圃奔潢深射無乾土颺曝不逢
白日光幽澁幻成飛蛾舞吁嗟乎去年之雨民始饑霖
潦猶當六月時二麥薄收困餘粒秋禾生耳已難支今
年再雨饑更酷皮骨僅存氣不屬賑蠲徒費公家貲彼
蒼充耳忘亭毒

鳴箏詞

縠帳涼生屏華燭蘭軒半敞人新浴手停團扇搯冰綃
調箏聊按歸風曲繁絃本自號秦聲况逢趙女顏如玉
皓腕頻低鴈柱移金鈿纔卸蛾眉綠大絃沈沈小絃起
初爲黃鐘後清徵百種幽情十四絃殷勤排當憑纖指
春蔥脆映玻璃甲攏撚撈挑皆有法曼聲現腕鶯囀花
急響飄騰泉出峽俄翻苦調變陽和颯然霜霰來庭柯
驚鳥膈膊羽相亂高天爛爛垂星河將迴復引怨思多
悲生樂極翻滂沱箏乎信工情則那曲終掩袂四壁靜

竹梢忽墮流螢影

君臣交儆詩應

制

乙未三月

昊天求莫德斯輔盡畀所覆九州土法宮端拱垂衣裳
十有二祀皇風溥武功耆定文教敷東西南北忻來
蘇父老共暄扶杖語畫史能摹王會圖我

皇謙讓不自有凜凜治安如馭朽饑溺由來厯一夫顏
行亦復銷羣醜頃者南苑駐翠華宵經肝史窮幽遐
提撕矢口卽謨訓臣鄰手額瞻 天葩猶謂寰區色
未起行宮時啓論治理夜分前席問蒼生坐盡迢迢

清漏水緬思

皇祖肇丕基風雨艱難百戰危飲馬朝遊青海曲揚麾
暮宿白山陲

太宗承烈收千國仁蒸義浹無畛域大勲旣集 命維
新億載鴻猷欽燕翼

真人出震混車書櫛沐難忘締造初扞守於今兩無憾
宸衷自視恒欲如昔之賢哲憂治世內寧外懼原相
繼太平無象在君心沕穆虛懷神所契百司庶尹亮
天工交儆無虞上下同貽憂 君父豈敢出克艱厥

分唯匪躬於戲都俞成已往盛事會傳勞夢想何期
再見禹與臯一堂動色如疇曩彼蒼泫覽未云遙綏
底今逢一德朝比屋喁喁歸化籥兩階干羽奏簫韶
七夕立秋

朝來雨洗雲色蒼驚傳令節催年光屈指徂暑旬未而
俄聞律琯吹清商纖纖月墮空堦露斗杓依約西南顧
金井初看一葉飛銀河詎有雙星度四序往復成代謝
榮落遷流隨物化松筠蒲柳誰使然明鏡朱顏不相借
栖烏膈膊起庭柯涼入桃笙夜漸多宗元大拙居然在

宋玉生悲可奈何

春燈篇壽外舅朱公

丁酉

長安春燈爛如錦我翁閉戶唯高枕忽驚有客來登堂
旋陳鮭菜羅酒漿問翁甲子今幾何行年六十髮未皤
客從袖出青田核酌翁祝翁爲翁歌仄聞古有支離德
終身獨見嬰兒色轂三十輻用在無天損人益疇能識
至人出處合自然龍蛇尺蠖非關天雙拋白眼用我法
寧爲世駭毋世憐君不見馮敬通談兵策事稱豪雄棲
棲遲暮賦顯志忼慨不墜名賢風又不見鄭廣文親題

三絕煩時君一朝世難起倉卒故人空望天台雲我翁
立身何磊落壯歲聲名滿寥廓東西南北多快心未老
抽簪臥林壑數椽圖史傍青門奕可忘情酒可酌試將
得失較前人造物於翁已不薄今夕何夕元宵催五侯
七貴華筵開傾銀注玉送良夜衽服新妝歌落梅翁莫
辭掌中栢六十已過七十來卽教白歲長同醉祇有春
燈四十回

送黃于石令嶧縣

能醫

嵩雒之間多異人黃君後起稱絕倫球琳一剖達天廟

非同旅食京華春脩然獨具煙霞骨湛若長江印秋月
長者時停戶外車朝紳爭結人前襪幾年丹鼎養黃芽
徧活長安億萬家千金早得龍宮訣半黍何須勾漏砂
山公啓事俄相逼百里屈君鄒子國由來雅尙薄華纓
捧檄遲遲滯行色丈夫壯志酬蓬矢况君到處饒知己
坐令齊魯起沈疴鷄犬桑麻歡婦子畱君不得送君行
匹馬寒雲發帝城嶧陽自古琴材美遙聽臨風白雪聲

玄靈宮行

戊戌

開國規模示弘廣告虔隨在精禋享更於南苑起琳宮

頓闢僊源薤榛莽千尋遠致豫章材萬指咸資少府鏹
制擬園丘敵壯麗地接行宮占塏爽周迴文甃擁繚垣
嚙嚼雕甍耀銀榜紫皇端拱玉宸居百神侍衛嚴天仗
旭日頻看幢蓋移月夜時聞珮環響香霧氤氳繞法筵
清音宛轉傳經幌羽士新來效祝釐大官計日輸供養
爲言 御輦數經過如見羣真酬於蠶神道設教古有
然震疊懷柔事非罔經營不日民不知阜財餘力成元
賞竭來扈 蹕時多暇同志聯鑣快欣仰化人暫許共
天遊靈境俄教捐世想帝座應知呼吸通月身難駐雲

霄上歸途寒景變暄妍始信人間有方丈

元夕飲逋齋少傅宅觀古鼎石屏歌

巳亥

雪晴風軟月華白不似尋常三五夕千門燈火動春聲

香塵霧合長安陌綸扉休暇約相求行來槐里

少傅亭名堂

初闢好客仍開北海樽忘年容逐東山屐先生經世兼
嗜古爛然四壁圖書府尊彛角觶羅几案寘身三代如
可覩瑰奇乍識難彊名精光一一皆出土冶鑄曾煩神
禹金等差應冠宣和譜就中方鼎尤絕倫形模色澤俱
有神古篆陰識辨亞字雷紋夔面完且真羅巾拂拭翠

濤混土花浸蝕砂斑新雲仍緜邈俯秦漢閱世何止三
千春回見雙屏張突兀晶瑩四射生氣勃祇疑好手貌
林巒乃是良工琢山骨文章濃澹宛天成修巖喬木幻
出沒點蒼雲壑洱河流日供臥遊高興發先生滄洲情
不淺聊爲蒼生繫纓冕中書下直揜雙扉靜對爐香自
開卷摩挲顧盼有餘適崢嶸歲月那須遣復使同人得
快觀拜手瞻依夙心展帝城此夜競喧闐戚里侯家列
綺筵酣歌不解愛明月高齋始稱清光圓梁間璀璨華
燈然壺傾芳醕如流泉指揮談塵珠錯落步武遐躅玉
聯翩更闌客醉未許旋起看皓魄凝中天

憶昔行送魏環溪

長安幾筵故人歸嗟君此去余心悲我歌疇昔君聽之
冀君爲我緩行期憶昔鼎革兵未息廟堂忽下求賢敕
有司在在促徵書才俊紛紛起幽仄四十九人登玉堂
就中與君初相識神怡氣下美清揚冰壺澄澈朱絲直
麗澤多君不我遺交勉平生稽古力論文把酒夜篝燈
角藝含毫朝吮墨我畱史局君改官瑣闥窈窕栖祥鸞
阜囊覲縷多大計白簡對仗恣抨彈酬恩但覺捐軀易

抗志寧知行路難一星微文官竟左再補閒曹甘輶軻
祇餘篇翰未消磨過眼升沈同石火苦念高堂有老親
明發迴腸淚雙墮低徊數載始陳情天聽優容旋報
可北風代馬越鳥巢歸計朝朝今乃果知君家在古雲
中飛狐鴈塞天下雄北嶽峯嶽鎮恒朔清涼佛國遙相
通其間豈無隱君子絕人逃世葆泮沖定省之暇試尋
訪有時郵示開愚蒙我材原非用世具金閨竊祿驚遭
遇覓駕空孤伯樂知槩盈幸追撲滿懼省讐却掃三月
來朋舊晨星艱會晤折柳青門無與同殷勤聊爲題長

句行矣魏君不汝畱蕭然行李當清秋他年寄我陔蘭
咏吟向燕南老一丘

浮丘山房圖爲成青壇少傅題

時公以疾乞歸得請兼寓別意於篇

未云
癸卯

我聞浮丘伯乃是古之僊者流高居碧落戲蓬海洪厓
結伴驂雲蚪大名少傅公無乃實其儔身在魏闕志林
壑結廬仍傍古浮丘浮丘緜跨黎陽邑氣靈形厚神所
集煙巒四序變態多灌木千章晴翠溼有時升其巔俯
眺千里外琳宮雉堞鬱相望飛鳥征帆近衣帶主人愛

山山靈喜山房依山得山理高明幽邃因自然點綴經營皆有以泉則甘兮土則肥槿爲籬兮竹爲扉奈猿吟兮鶴怨訝主人之不歸主人今年起歸興暫以微疴辭大政先圖勝槩示同人旋理巾車返三徑嗟余詞苑忝公後傾蓋相憐同白首追隨黃閣九春秋飲公盛德如醇酒冥鴻高舉生健羨駑馬長羈足慚忸何時稅駕從公遊按圖一一詢某某謝公其如蒼生何却恐山房臥難久

九日小園雅集卽事兼懷長人司農

丙午

夜聞風雨鳴窗急夢回暗爲重陽惜曉看天色尙沈沈
便擬衝泥理遊屐小臺聊試登高步漸喜流雲散空碧
西峰獻翠如相招林臯未覺秋蕭索此日登臨有夙盟
年年高會司農宅今年司農出履畝南望亭臺煙樹隔
小園數武頗荒涼呼僮掃逕遲佳客秋光如畫媚初晴
剩綠新黃態千百却嫌籬菊尙含苞止有囊萸堪綴席
落帽雖慚勝地無開樽且使閒情適須臾暮靄作微寒
林端月映清池白張燈洗觥恣談謔主賓脫略形骸釋
明璫六博間楸枰分曹角勝人辟易浮白迴波競大戶

餅空疊臥紛狼藉自憐塵網老無辭身繫簪裾口泉石
田園盡蕪不肯歸逆旅經營同戲劇佳節惟須花照眼
浮世空驚駒過隙鳩居藏拙遂休閒驥足超騰事行役
遙知豪氣未能平坐嘯盤山幾千尺
司農時
在薊 歸來對吟
九日詩一笑相看應莫逆

送顧見山巡洮岷 癸丑

北風搖落天雨霜都亭車馬夙嚴裝有客西征辭明光
登臨送遠情易傷把袂裴裒上河梁欲語不語各盡觴
羨君崛起二陸鄉手攜彩筆挾天章金華省闈含鷄香

公望公才表巖廊宜叅袞職在 帝旁胡爲遠駕去遐
荒岷山峒毳洮水長倭遲隴阪如羊腸驚沙沒馬邊草
黃山城列嶂分井疆問誰聚族渾與羌豪豬青兕爲衣
裳梅花竹管聲悲涼使君持憲制一方璽書符節何焜
煌九重德意資宣揚煙火萬里遙相望捐棄刀劍勤農
桑坐令寒谷回春陽况君丘壑胷中藏山川攬轡形勝
詳揮毫點染森鋒芒雲煙變幻難測量升高作賦收奚
囊播勒金石叶宮商觀君意氣殊激昂功名當如漢班
張歸來報政奏 明堂玉關使者尙書郎

心遠堂詩集卷之四

高陽李 爵臺書著

遂安毛際可會侯訂

鍾山王才鼎調臣參

男 李其凝孟績 輯

李其恕仲如

樂府雜言

擬婉轉歌 甲申

樽中酒濫濫為君斟輕裾細袂無畱光高箏緩柱多和

音如此誰能不歡樂陽春桃李花愁心譎婉轉婉轉無窮已願爲白雲與青山送君千里復萬里

登樓謠

乙酉

霜風一行鴈接翼凌秋煙是時登樓人見月東南天東南千里迷雲樹月照故人爲客處不覩平安尺素來空教目送飛鴻去

代燕歌行

二首
庚寅

三月垂柳金穗長天桃花老鶯轉簧新泉躍魚蘭氣芳暄風遲日回和陽怫鬱不解孤妾腸掩袂無語坐焚香

短篴一奏聲哀愴俛眊堦草綠無光慊慊青春不可常君獨何爲滯它鄉

其二

四序往復白日遷就中最數春光妍藥堅策肥貴少壯我胡多憂當盛年所思遙遙隔長天欲假雙翼凌飛煙尉羅滿眼愁難前且嘖狂朋爲炙鱸斗酒醉臥花林邊醉中何惜形神捐安能結束事名譽世間萬事空復然嗚呼世間萬事空復然

壽衣曲

旃檀爲杵紋石砧先擣征衣後錦衾征衣遠寄交河戍
枯草飛沙沒行路錦衾憔悴伴空閨玉顏無夢中宵啼
啼亦不可歇夢亦不可成欲識君邊刁斗恨試聽妾處
擣衣聲

董逃行

紀夢作

林臥斂拙晦藏經天畏景苦長一雨驟變炎涼微風洗
拂空堂坐驚歲華心傷其明月流影入帷反側夢來何
遲中心搖搖有思念我同人乖岐褰裳匪遙從之其相
期汗漫同遊攜手縹緲飛樓寤寐生平唱訓君兮慧業

穎抽鈍根自顧懷羞其仰闕象緯銀闕天風漭泱難越
千仞一逝超忽俯眠齊州煙滅誰識君身僊骨其夢覺
辨兮何殊形神同舍異途如馬與輿相扶至人獨運於
無愍愍逐欲羣愚其五

投河歎

引甲午

哀流民也甲午春大饑民多南徙夫婦襁子女
至滹沱欲濟無資舟子難之遂舉室赴河死魏
石生給諫哀而賦詩余讀其詞有同悲焉遂有

此作

彼嗒嗒者鴻兮我生不辰弗爾獲同兮鴻有羽東西南
北征兮我饑無力匍匐難行兮一解哀哉凶年我廬已捐
我田改阡我突無煙我婦子斯遷二解洵乎其流淖沱之
水兮子乎其遊流離之子兮招招舟子艤船近岸兮我
囊無資不濟以歎兮仰天長號淚不可以斷兮三解淖沱
之水流漸漸兮安得鱗鬣飛渡無淹兮嗟我骨肉於斯
殲兮踴如鳧浴浮且潛兮瘦膚枯腸蛟鼉所嫌兮四解咄
舟子兮胡不仁競刀錐兮怒人神舟子笑曰彼峨冠而
高坐者夫寧匪人咄舟子兮何足嗔五解

後雨謠

前雨無麥後雨無禾無麥尙可無禾奈何出彼闔闔不
覩平陸鷄號樹顛人升於屋旻天疾威河魚大上蚩蚩
就食四方靡所嚮我無重馬又無輕車饑魂羸骨徘徊
澱淤長菱青青凌我稷黍遺瓦隨流集於洲渚燕南涿
北洶洶其津不納璧馬舉我舟人歲星不照水旱十年
天運有極曷其來旋吁嗟乎我歌誰憐

擬古樂府

丙申冬

上之回

上之回事雍祠七校整八駿馳屬車豹尾法從隨蜚廉
桂觀五丈旗通天柏梁高崔巍翩翩青鳥弄羽儀阿母
戴勝下西池太一格神光垂金支彩毼紛陸離澤被四
海帝受釐

有所思行

有所思乃在岱宗之巔玉書金檢不可覩七十二代空
茫然仄聞黃虞前結繩物自理書契胡爲乎千秋殉蒼
史河中之馬本無文仰觀俯察徒紛紜

陌上桑

青青陌上桑不許路人折盈盈桑下女不爲路人悅將
物比貞心黃金不如鐵

長歌行

太虛曠無垠羲和騁飛轡二氣韜洪爐鑄物異貞脆春
華豈不妍倏忽秋霜至往復難控搏賢豪莫爲計勿吞
金石藥蘊毒在刀圭勿羨鐘鼎享快意伏危機脩名來
衆忌盈滿鬼所窺委心謝形役逍遙聊吾師

短歌行

湛湛旨酒宛宛玉壺灑掃我庭琴瑟笙竽同心過從氣

色敷愉今者不樂日月其徂白露爲霜何草不黃招搖
指亥天地閉藏四時之運逝莫余待嗟彼古人聖賢安
在水波滌洞東溟是歸何以解憂短歌苦哀天道何知
冥冥恢恢沈吟此故舍恨莫裁

相逢行

何來窮谷士鬻畚帝王城紛華賊所見九陌浩縱橫飛
樓藏神僊複道晨霞明闐闐啓香霧朝下皆公卿駢駢
千金馬高冠影長纓致身雲霄上得意欲自鳴安知道
傍客側目竊屏營相逢不相識片語何由傾棄擲懷中

刺大笑還吞聲惆悵經世策歸去且躬耕

來日大難

一名善哉行

去日大易來日大難鐘鳴漏盡不得盤桓去日以故來
日以新迴黃轉綠不得逡巡祭公陳詩祈招愔愔獸有
茂草思彼虞箴樊姬却肉楚王下賢式畫買駿則近名
焉狐裘蒙茸往禦原野飛雪在上層冰在下淡杯長筵
速我同室誰能忍憂以待來日

放歌行

僕本燕趙士竊慕前賢風夙齡寄遐尙感慨時自雄擊

劍力不任吹竽難爲工低眉事章句白屋甘固窮何期
遭世變四海盡兵戎箭入太極殿煙飛未央宮竄伏貫
九死脫身戈戟聚親知半異物故里生蒿蓬么膺方得
志中原蛇豕訐顧乏濟時策坐視徒忡忡上天錫 神
武義旗來關東撥亂靖寰宇除凶慰羣蒙三辰復光彩
百川識朝宗羣賢蓮茅茹下體采非葑遂使薄劣質厠
足石渠中十載媿伐檀曾無分寸功臄腹乃易滿鸞羽
胡能豐常恐愆尤積顛覆累大公非無猿鶴盟恩私束
微躬且爲稻粱謀寄謝雲間鴻

野田黃雀行

黃雀一何翩翩朝暮遨遊野田間田間張羅者誰子黃
雀雁之羅者喜少年何方來七首利如霜親手抉網目
黃雀凌風翔四世三公非我志慎勿銜環徒多事

門有車馬客行

門有車馬客結歡非平生何以相膠漆乃在利與名本
無中心知噉沓各有營盛衰忽相代意氣徒自傾天風
時凜栗羣卉失其貞女蘿附松柏會不得竝榮不如孤
蓬根萬里能獨征

結客少年場行

長安少年美且都，凌雲意氣羞爲儒。阿爺執圭朝大夫，
阿兄名隸執金吾。中閨窈窕秦羅敷，廬兒便辟馮子都。
連錢驄馬踏通衢，金鞭裊裊垂珊瑚。腰間玉劍雙轆轤，
道逢俠客歸與俱。姓名不言禮貌龕，高堂列坐錦氍毹。
肥牛雕俎蘭桂蘇，長鯨一吸盡百壺。別有曲室陳笙竽，
合樽促坐間彼姝。翠盤長袖誇輕軀，歌喉宛轉引驪珠。
鷄鳴燭跋清漏徂，重浮大白猶豪呼。主人快意動眉鬚，
客喜仰天笑嗚嗚。願君富貴永無虞，他日爲君擲頭顱。

朗月行

春月使人蕩，秋月使人愁。不如冬宵月，霜華素影流。初
出蛾眉長，漸見爛銀鉤。俄看玻璃盤，團團天南陬。積雪
皓同色，繁星光盡收。桂枝歷可數，玉兔坐瑤樓。仙人恣
來往，氍毹白鳳裘。我欲前致詞，仙人爲少畱。七寶永無
缺，何待吳剛脩。浮雲慎勿起，下土增煩憂。

鳴鴈行

鴻鴈來自朔漠天，蒼涼木黃落。白日寒無輝，冰霜損毛
衣。相呼命儔侶，連翩向南飛。山長道遠不得息，北風催

送心力微中道忽相失孤鳴和者稀此時流響空閨裏
挑燈長歎誰家子不覩沙場尺素來開簾聽鴈獨徘徊
北風行
北風吹海冰千丈寄書鯉魚不得上今年淚死芙蓉花
月醉鸞篋夢惆悵銀臺金闕弱水流徐市仙去復何求
相如自負茂陵女非爲閨中吟白頭

行路難

猛虎爪牙利高堂皮薦狸奴睡猩猩解人言斗血唯堪
博一醉天長地久有窮時嗟君智勇安所施長安四達
多岐路南北東西不相顧明妃遠嫁怨丹青阿嬌邀寵
需詞賦行路難無今古我願乘風逐化人永令雙屨辭
塵土

空城雀

官倉鼠常苦肥空城雀常苦饑饑者遠羅網肥者瀕災
危朝飛蓬蒿間暮宿積垣裏啾啾引羣雛鷹鷂不屑視
君不見揚雄執戟甘寂寞終令奇字催投閣可憐不及
空城雀

夜坐吟

虛窻月白宵向分寒燈穗落酒未醺微吟孤坐情思紛
庭烏膈膊聲相聞烏聲吟聲同殷勤同殷勤兩懊惱悲
離羣思遠道

枯魚過河泣

枯魚一何癡魴鱖得書大笑之爾躬不閱遑爲他人費
言詞君不見千里之鯤掉尾北海鼓鬣天池風水一相
失翻爲螻螳欺時命苟無定先幾昧者誰我潛我泳清
且漣而不貪芳餌出入奚疑嗟哉枯魚爾何癡

邯鄲才人嫁爲廝養卒婦

趙女如玉顏曾入趙王宮一朝得新偶雙棲馬廐中榮
悴不自知委身亦何窮時憶藜臺宴歌吹夜魂通灼灼
瓊樹枝飄飄逐枯蓬太息驗物理愛極良鮮終勿憶淡
宮寵勿謂廝養賤不見蘼蕪草生滿長門殿

秦女卷衣

樂府解題作秦王卷衣命意不同今從太白

君王不重色下陳千蛾眉旁及卷衣者猶然絕世姿華
飾不敢耀惕息畏主知在笥幸無訾專房寧所希班趙
寵翻覆尹邢意參差何似卷衣人永得奉恩私

東飛伯勞

雙飛烏鵲單飛鳳琴聲夜入黃華夢誰家閨閣閉妖嬈
父紆紫綬兄插貂嬌羞詎識同心帶玉啼未出香帷外
可憐年幾十三四淡愁琬琰鏤名字春風一夕吹花開
黃金屋傍青陵臺

曹孝子

名廣據京師人母病刲股以進母起孝子
病創竟卒壬寅

孝子全孝子隱孝子彰孝子殞兒膚創兒心安霜刀凜
凜六月寒親身安親心苦冥冥報施不可睹奪爾百歲
今還爾萬年形骸有盡今馨香永延皇天所厚今在彼
不在此嗚呼孝子今孰云其死

心遠堂詩集卷之五

高陽李 爵臺書著

遂安毛際可會侯訂

鍾山王才鼎調臣叅

李其凝孟績

男

李其恕仲如

輯

五言律

摩訶菴

二首
舊作

高臥堪忘暑精藍意所安有時驚梵唄無客恩眠餐試

屣隨苔細攤書愛石寒逢年羞易易已分老林巒

其二

秋氣千林肅升高覽大荒西風入禾黍落日滿牛羊渚
靜雲俱冷山寒天與長自耽幽寂意非獨惜行藏

秋雨

旅恨爭秋雨通宵兩未降
縣縣生獨枕滴滴破虛窻
曉色分銀鑰清聲夢石幢
空階與客耳憔悴正堪雙

感秋雜詠

十二首
丁亥

曉

清旦氣激肅况當秋欲闌
平林薦初日餘夢受新寒
苔露冷猶照鄰碁急稍安
不堪將短髻坐對歲華殘

風

庭前芳菊枝蕭瑟不勝吹
落日忽相別虛堂君自知
傳香隔疎幌驚露散清墀
秋夢還堪寄相從去海涯

水

臨流同落落而我淨秋心
清影一相照孤懷千古淡
寒鷗甘浩蕩墜葉怯浮沈
因憶山窻下聲聲瀉素琴

砧

秋聲非一感礎杵亦年年歎息鄰家子低徊擣練篇明
河樓角注暗露竹稍懸欲待虛窻月勞君伴夜絃

竹

恃爾爲寒友非徒共隱居秋風時自許苦節意何如籜
隕龍孫瘦霜凝鳳尾疎夜看千尺影落月照簷虛

蓼

娟娟如有恃水際鬪明妝歲晚西風急孤妍合自藏溯
洄成遠道慨歎隔中央只有洲前鷺相看得竝行

草

遲暮難爲色秋風可奈何夾堤看雨霽接塞入雲多古
道唯車馬淡宮亦綺羅明年春盡後相約憶山阿

葉

撼撼不相宜迢迢望故枝憶君風雨夕愁倍落花時餘
綠爭苔色新黃與菊期空堦幸堪託藥竈亦安辭

鶴

浩然雲外念江海惜平生近砌終難進懷人寄一鳴稻
梁寧折節軒御久遺榮雖獲幽棲伴翻傷羈旅情

鴉

寒雲去欲盡隨意點平蕪不惜中庭樹何嫌暝際呼風
枝搖夢數霜月背羣孤南鴈時相問秋期到爾無

蟬

夜久如相警微寒敢告勞隱居孤樹密秋氣一庭高潔
飲良殊衆廉聲畏見衰客心知未厭寧惜伴蓬蒿

螢

微光惜自隱辛苦度疎簾近扇風相借當堦月不嫌莫
因名熠燿漫欲鬪輕織秋盡年年別寒藜憶爾潛

歲暮 六首

市居喧不及低閣喜藏風物態寒霜後鄉心夕照中生
漉繁躍馬行旅效彎弓誰採田家語徒聞咏二東

其二

憶舊成淒絕悲涼失歲時草傷青塚事柳隔白門期驚
力風塵盡微軀魚鳥知祇將今日意寄愧故山芝

其三

分微無外計幽獨坐忘春市價驕殘歲官程恕病身柴
車朝及暮羽檄楚通秦芳草知愁思年年感旅人

其四

不可憑高望天空日復曛五陵寒積草雙闕間層雲鄉
邑峰峰隔煙霜樹樹分只慚逋客駕猶待北山文

其五

金鰲橋上望藜葦復寒波雲竟隨神女池空弔影娥豈
知成歎息會得幾經過歲歲長堤柳飛花似雪多

其六

候暖開羣動孤懷感復淡家山青不極堤柳碧何心趨
走慚長技經營費苦吟無聊羨歸鳥斂翼息喬林

送高似斗歸里

二首
戊子

他鄉惜儔侶君去復如何雙淚分風雨孤襟契薜蘿治
安餘太息燕趙枉悲歌徒有家山約臨岐得媿多

其二

憶昔過君宅春淡水遶城荇絲肥細雨鷗翅健初晴杯
酌臨磯穩人煙倚權清及今歸未晚好待濯塵纓

韋祠觀海棠

二首

招提南郭外遙識錦浮圖接座光凌目開襟香到膚金
戈懸歷劫龍象護雙株喚醒華清睡重來舊酒徒

其二

餞春唯半日期爾復明年廢苑圍寒砌高城隔暮天色
終歸澹漠俗正忌孤妍俯仰寧因此長懷促去鞭

偶成

燕市悲搖落秦川漲鼓鼙雲沙天地闊魚鳥往來迷偶
俗才誠拙謀身氣易低應知方外者懸解笑醯鷄

春夜聞鴈

巳丑

南北經年恨雲天此夜心逐羣春壠隔流響草堂淡燿
繳防應遠冰霜力不任寧知虛幌下有客和哀吟

永舒園亭

藤蔓垂牆厚槐枝擁砌寒孤亭存質樸永日足盤桓綠
甲齊蔬圃黃蜂聒藥闌多君饒野興轉惜告歸難

春晚

三首

不知春欲盡偶見一花飛物色驚非昨年光約再歸未
能追酒伴虛擬典朝衣生事聊隨分馳驅夢亦稀

其二

節去吟難駐愁空興易遙開樽思種秫聽雨記移蕉天
地漫回首風塵久折腰歸田時有賦夙志未應凋

其三

溼雲浮遠近亭午暗房櫳客思江天外春歸風雨中攀
枝依靜碧點砌數遺紅寂寞芳時恨年年意正同

送榕似守柳州

廟謨南顧急出守藉名流試讀龍城錄何嫌桂嶺遊
童迎按部瘴母避行輶爲到羅池上題詩問柳侯

七月三日

三日驚秋早虛簷走宿雲遠蟬風外斷輕雨竹邊聞
戰伐鄉心擾寒暄歲序分空將搖落意吟眺送斜曛
久雨七夕

愁霖詞欲續殘暑氣全蘇七夕秋瀟灑雙星事有無
絳河淡不見烏鵲溼相呼錯在隨人世空驚壯歲徂

十四夜月 中秋

月擬來宵好寒輝已逼盈蕉風搖碎韻竹露弄微明
萬感澹清夜百年浮此生臨觴悲獨御斟酌若爲情

十五夜月 二首

輕煙向暮收清鑒正當樓萬里陰晴合中庭瓜果秋
冰霜侵袂起星漢入簷流寂寞霓裳拍無因問舊遊

其二

霧雨連秋夏澄空遇望難金莖情傲倪玉宇地高寒久
玩宜孤坐酣歌思易闌故園同此夕何事異悲歡予鄉時有盜警

十六夜月

已快晴三夕何嫌減一分占風微作暈墮水細生紋露
咽嚴城柝寒驅旅鴈羣隔年期不易清影見殷勤

九日偕掌雷仲生諸年丈登高

幸有杯中物何須籬畔花已知今日醉不必屬陶家白
鴈催霜急青山落照斜憑高指鄉路煙樹正相遮

元夕 庚寅

此夕門仍閉新年樂事終春衣遊女白風炬市燈紅月
暗兵戈氣雲低簫鼓藜繁闐休憶昔寒燼鳳城東

贈劉世培

謝公詩上語只數永嘉山羨爾官斯境高情不可攀登
樓觀蜃市行部變甌蠻爲寄華嚴石相隨北使還

送單拙菴歸省

時有乃兄之變

漸綠燕郊草渺然千里程春風歸騎領岱色遠人迎洗
尊浥斑袖過庭飄紫荆於君見孝友不敢及離情

瓶花

幸爾伴幽獨兼無風雨欺容華如可久采折豈非宜
色靜香虛牖心傷別故枝物情違所性珍惜詎能知

贈友

憶別時猶昨重逢鬢各蒼燕齊人百戰風雨淚雙行
鸞翩行當奮豺聲聽已藏通家新舊誼尊酒話宜長

立秋

高林一葉下虛室晝風清勁試鷹鷂羽悲傳蟋蟀聲
我儀湮左个金德肅西成往復固如此優游閱我生

讀史二首

大賈居奇貨彊秦剪六王驪山通極廟渭水繞阿房
徐福舟檣遠蒙恬版築長鮑魚獨何幸乃得伴輶涼

其二

漢武恢雄略初登心計臣入羊郎易售裁鹿幣非均
遠塞皆輸粟中原徧告緡不知天雨後言利復何人

友人齋院

簪紱君何有煙霞我夙耽幽廊風籟靜禱卉月痕酣
隱覺雲林近禪從雪竇叅恨無鄰隙地依此結茅菴

泡子河觀象臺 二首

泡子河邊路曾經全盛時青山催馬齒朱榭失蛾眉
樹生枝秃荒橋度板危試尋絃管地蛩語滿秋籬

其二

前代占天處仍餘觀象臺重黎湮掌故泫點自昭回
推測應多跡興亡不一哀麻衣曾待此猶識古城隈

天寧寺遲客

送客來塵外山秋衆色高已驚心目異始悟性情勞
勢黏青靄林光散白毫流鈴風向夕彷彿聽雲璈

同仲生予袞重送貳公 二首

邠知相送後笑語復同筵斗酒卽長路刀環尙隔年
山容蒼九月客思靜諸天坐久嚴城暮疎鐘出野煙

其二

秋事已如此客程將奈何佳時堪戲馬新月漸增蛾
香幻旃檀樹星垂窳堵坡可無今夜醉不負唱驪歌

河決

青齊連魏博鉅野殫爲河使者空湛壁君王漫作歌
魚龍冬沸鬱舟楫遠透迤止有波臣聽哀哀鬼哭多

潞河道中

霜日曉初鮮
籃輿破野煙
遺甍悲鴈戶
故轍識桑田
笳鼓駝聲送
旌幢虎旅旋
武功方未已
行役自悽然

宿院卽事

嚴儆直承明
霜濃夜氣清
長河殘月暈
老樹凍烏聲
黃紙緘書祕
青綾幙被輕
同人話未已
宮漏欲三更

其二

龍戰寧無兆
鵷班媿所司
訐謨分正變
定力繫安危
何與文章事
徒聞感奮詞
不眠獨起步
雙闕遠星垂

除夜閨意

青陽始欲歸
蘭室靄燈輝
釵勝絲雙縷
鑪香火九微
隔宵儲歲酒
待曉試春衣
却怪從軍婦
年年對錦機

側聞

辛卯

天地綱維正
風雷號令新
已淡扶杖感
不惜使車頻
佩犢應銷膽
批龍豈畏鱗
側聞思偃武
早爲靜征塵

書事

五首

溟澤泉方達
春陽旭始新
霑濡應當位
將順得無人
旄節臨南紀
梯航望北辰
銷兵云計日
天意在斯民

其二

土劔堯儉德惡服禹憂勞遐徼存中產明王眷旅葵治
安今所急魚水昔相遭引領蒼生望雲霓色正高

其三

旁午輪軒使肫詳蠲恤文罷傷魴尾赤恭覩雉頭焚鼎
節期元老師貞倚大君擇臣儻有意丘壑待泫纁

其四

時臨王道蕩天轉泰堦平玉食殊珍減金湯衆志成洪
流初順堰泫貺遠盈庭七德何勞舞簫韶出穆清

其五

端拱勾陳衛潛銷太白芒不煩憂癘疥先合問豺狼調
瑟知移柱承流必挈綱殫心窺大運勿厭告多方

磁州道中

計地逾千里辭家已再旬稍諳長路味漸逼異鄉春登
頓元黃馬棲遲風雨身望中驚物序柳色更關人

寧陵道中

邨邨煙火接正及早農時豔杏明繁雪垂楊裊弱絲雉
驕鳴麥壟牛倦臥茅茨信美非吾土何因家可移

歸德懷古

宋中今寂寂傳是昔王都戰後地靈死人亾賦筆枯忘
憂迷舊館梁苑識新蕪詞客原千古鄒枚自可呼

靈璧道中

中都何代建王業黯蒼茫雲氣銷龍虎山形鎖鳳凰創
垂當日意憑弔幾人傷猛士藏弓盡空憐豐沛荒

渡江

風細江猶湧舟輕帆不懸金銀山戴寺吳楚水浮天欲
述南征賦遙思第一泉驚濤限咫尺引領獨悠然

滯雨毘陵道中

積雨孤帆夜寒燈旅酒春路岐心易感鄉遠夢何頻
擘漁家聚風濤使客身差池成互羨欲辨復誰真

吳門贈馬漢翔

一爲燕晉別五見改星霜介馬魂初定風塵鬢易蒼
倣裘新涕淚皦日舊肝腸的的天涯意崎嶇語正長

建寧旅夜

旅寐乘微醉夢回蛩語幽何知閩海夏頗似長安秋浪
跡誤栖遁野心甘滯畱起看雲影黑鳴雨又簷頭

大橫驛路

浩蕩南無息行人與逝波
箚繁穿鳥道岸逼躡龍渦
茶子成叢密楊梅薦俎多
征輿當險絕危石落嵯峨

王臺驛

息駕投荒礫炎歊晚愈噴
無郵空號驛盡日不逢人
寇盜遙傳火妖魘夜弄爨
平生雖任運履險敢輕身

將樂山行

廻合千崑裏危途已稔經
雨乾梅子盡瘴熱草頭青
陟嶺蛟湖峻探林虎窟腥
昔人歌蜀道應未識臨汀

復次白蓮驛

一隙兵戈徑微軀此再留
青楓傳戍火白石淨溪流
砦閉雲霄隘郵空虎豹遊
爾曹昧天命行旅得無憂

阻風野泊

缺岸連叢篠蒼崖冒黑雲
捲蓬風力怒觸石浪花分
酌暗螢徐下眠驚虎夜聞
境緣奇不厭漸習遠人羣

劍津寄懷仲生予袞二年丈

絕壑奔濤裏舟車縱所如
故人三月別遐徼八行書
知有湖山勝會無酒琰疎
獨輸龍劍合懷古一愁予

舟過水口夜發

灘石險云已溪流闊漸平風帆蘇暑氣雨夜急王程路
指三山近身憑一葉輕宵分未成寐舟子報潮生

喜晤星衡

二首

昔判長安袂烽煙漲薊丘窮交唯我在遠道爲君愁豈
意三年別同爲萬里遊寤言如夢寐於邑詎能酬

其二

絕境垂天末君來至幾時南行同侶少北上逆波遲城
郭矜榕樹盤餐首荔枝殊方驚物態一一費周諮

雷雨泊溪灘

灘曲苦遄迴收帆急雨來幽岳騰絮霧老樹繞奔雷魑
魅溪林哭魚龍夜壑開蕭然散炎鬱險阻復何猜

雨畱浦城

曲沼神能曠幽廊步自徐夕涼吟絡緯風急颭芙蓉歸
去歲華暮客中秋雨初爲憐池館好信宿滯征車

寓吳山作

二首

日映海門白潮生江氣黃乾坤此爲客臨眺易懷鄉旅
役查同汎雄風弩漫張一窺形勝地今古幾錢塘

其二

空山宵送雨秋簟早知寒野氣沈遙堞谿聲落迅湍鄉
思新鴈帛生事舊漁竿誰解幽尋意徒將畱滯看

岳墓

秋風肅客袂拜手鄂王祠南渡無雙士西湖彼一時風
雲驚鐵馬星日閃靈旗憑弔松楸處冬青更可悲

晚次京口

晚禾風撼撼歸櫂倦乘流水味辨揚子人煙出潤州心
情工作客鬢髮苦禁秋夙昔三山意來朝覓勝遊

金山四首

輕舸人不識驚浪逐風斜路入旃檀界洲依蘆荻花東
流小身世北望邈京華已辨浮圖影濃霧未敢遮

其二

亭臺森幻渺誰使強爲名偶爾穿雲出仍當絕頂行波
光環熨帖石貌劇飛鳴自與世人隔臨風覺骨輕

其三

窄堵坡何壯窮攀七級顛山容隨四顧帆影去孤懸霧
合俯忘水風吹漸及天高寒兼險寂旅鬢怯畱連

其四

八月高秋氣長風木葉零荒苔隨意沒遊屐幾人經
壁俄窺洞分階別陟亭讀碑牽素纆聊亦畎中泠

舟中聞鴈

秋氣曠川陸倚舷長望時林芳啼鳩早鄉信度鴻遲
黃蘩野相媚清霜寒欲滋比來顛顚意畏使故人知

西苑舊蹟

二首
壬辰

池水何王鑿危梁勢若浮藻枯占候冷魚動見漸流
龍艦當年影羊車幾夕遊徒來驅馬客呱呱咏長洲

其二

妝樓遺址盡孤塔出高臺佳氣五雲渺悲風四面來
天文蚪蚪譯龍藏鬼神猜異域僧徒在應能辨劫灰

清明同仲生諸年友登靈佑宮樓

春城艱野醉令節况登樓歌細風徐度山蒼翠晚浮空
尊嘯墓鬼高樹隱園丘俗客看相怪應非簪紱流

送王藉茅歸省

執友難言別寧親敢告勞風煙柏岡樹舟楫盟津濤
驛路疲乘傳鄉園看賣刀問君萊子服曾有鷓鴣袍

送孫曙東

不遇勿復歎長歌一送君傲裘燕市酒孤權越江雲道
在青山好書當白眼焚歸鞭殊弗惡陌上草初薰

九日

那將今古意折盡九秋中籬訝黃花早杯嫌綠醕空霜
花乾日氣寒葉脆天風歎息茱萸老龍山夢不通

除架

半槁綠簷蔓虛垂傍砌枝風霜苦不惜摧折復何辭勢
去枯誰集功成退亦宜曉晴便平聲偃曝寒日滿空墀

寄李愚公

二首
癸巳

通家金石契海內幾人存國士當時目微言往牒尊父
書慚弱息祖武羨聞孫慰藉無今昔誰云隔代論

其二

遠得晴川信傳從九十翁彼蒼遺碩果垂白仰冥鴻開
濟隆中略文章楚國風康成經術在南郡早羣空

雀鷹

稟姿雖鷲類制氣但微禽顧盼雲霄近馴調日月淡長
空無遁羽飽食有愁心勿擊絲蠻鳥春來聽好音

開卷

辰見方收雨風清已戒寒城高淒鼓角山淨出峰巒
目黃花枕科頭白竹冠無聊思古處開卷自相寬

園丘陪祀

鷄人三唱罷闐闐曉鐘傳玉輅臨馳道金爐拱法筵
帝心通薤續民力報牲牲何異云亭畔升中覩告虔

元夕雪雨

甲午

雪餘仍細雨不惜上元期四序陰偏任三光影莫窺
塗泥束遊屐雲晦如燈卮歲事今如此高天意叵知

哭夏弼五

偶報文園病俄驚賈傅殂迤邐原世路搖落最吾徒
纓絀七年夢琴書八歲孤向來簪筆地風雪憶同趨

白雲觀次石上給諫韻

四首

何地尋真隱珠宮一畝隈風煙孤堞迴雪色衆峰開
事逐白雲去人騎黃鵠來探奇不覺遠野興自相催

其二

殘碑拂蘚字廢殿冷香煙妙諦丹砂隱遺名白日懸
藏舟人不免拔宅事虛傳儻遇長春子君從乞大還

其三

道高時豈識代隔蹟空留物外唯漿客人間有醉侯
遂初衣可賦不死藥難求欲起先生語荒榛滿目稠

其四

丘公冲舉後真訣續無一人一粒足忘世三山自結鄰
有時來絳節何處戲蒼麟仙骨今誰是遺編言已陳

閒居

四首

隨陸陳書數蕭朱結綬頻周旋寧作我羈絆實藏身氣
化推遷急文章瑀琢新儻來都不繫大道在同塵

其二

澹蕩羲皇臥英雄河朔杯斯人難復起古道日塵埃
鬪捷山多徑全生木不才兩端終易剖決策是歸來

其三

是迂非敢傲唯嬾乃宜閒偃蹇狂奴態浮沉供奉班
蒼頭驅采藥青眼放看山大小原殊隱吾其季孟間

其四

薄暮驕炎溽長風起夜分盤空孤電激塞耳遠雷聞地
坼東溟水天昏碣石雲老農應太息四體爲誰勤

促織

語默非由已微生二氣間空堦如有約秋客獨相關月
魄寒羅幕機絲損玉顏勞勞悲衆籟委化未能閒

送友人守蜀

聞中天外路五馬映朱轡郡是重遊地人餘轉戰魂隴
雲埋棧道巴字識江痕木落千巖肅同誰聽夜猿

送調臣

遠遊仍不遇此別意多違孤權幾時到高堂應夢歸題
橋前事異擊楫壯心微岐路誰知己清秋好授衣

心遠堂詩集卷之六

高陽李 蔚臺書著

遂安毛際可會侯訂

鍾山王才鼎調臣叅

李其凝孟績
男 輯

李其恕仲如

五言律 二

日講恭紀 二首時扈從南苑
乙未四月

舍郊循故事講藝肇新模 睿藻崇經學 天文叶泰

符琅函欣始御虎拜得同趨啓沃知難稱微躬訝寵殊

其二

行殿清和候瑤編啓祕封期門環衛肅 黼辰御香濃

接武夔龍席瞻依日月容一經慚世業 宸聽仰顒顒

直西苑紀事 六首

舊傳西苑勝夢想限凡身跡接鷓行後 恩從豹直新

湖山俄入望魚鳥已相親賸可臨流坐蒼莎處處茵

其二

太液通天漢千年 帝澤深飛梁虹影臥遠榭鏡波侵

鷺立沙洲靜鶯啼灌木陰金門饒隱趣此地卽雲林

其三

永日閒簪筆綠堤步偶長輕鷗風翮健老樹雨聲涼指

顧寥天外追隨大雅傍還期明月夜尊酒就波光

其四

令節仍重五薰風蕩御溝 君王崇儉德龍艦罷 宸

遊事省封章減居淡暑氣柔頻驚時物換朱紱媿淹畱

其五

玉螭接堆雲雙橋一水分嬋娟荒故址鼉虬峙鴻文怪

石無行列高臺足見聞僊都難數至塵屐敢辭勤

其六

疾雷過夜雨聒夢水禽聲溼翠籠朝旭催余湖上行煙
鬢開黛沐溪友狎空明不異幽居好蕭然直舍清

新秋雨霽直舍作

朱火收炎燭法雲散鬱陶風歸薇省靜旭轉桂宮高餘
潤滋堦蘚新涼警客袍酬 恩筋力短清晝未云勞

秋夜內直用韻訓成劉二閣老

二首

禁籞栖鴉定秋隨暮靄生坐淡銀鑰合望迥玉繩明獻

可勞封事疇容待履聲 熙朝崇宿德未忍薄華纓

其二

自公歸院後清露滿衣裳宮漏催拈句蟲吟勸舉觴鬢
絲憂國短襪被入秋涼蓮炬分餘跋還應帶 御香

南苑閱武大蒐 名廷臣四品以上同詞臣扈從

賜宴行宮各賦五七言律詩絕句每體一首應

制

丙申仲春

天仗發離宮春田寓詰戎期門先角技典澤繼論功組
練光凝雪驂驪影驟風策勳歌湛露喜起一堂中

張越青寓集

復此共燈光依然侍雪堂家真通孔李號敢附韓張市
柝淡清漏春星動遠亾同心憐聚散翻欲緩飛觴

喜雨

膏繼終風晚氛銷久旱餘浴豨占已驗洗甲意何如未
入梅蒸候猶憐麥秀初東臯如可返直欲把畊鋤

五月二日

五月尙微寒庭柯曉露溥吟哦多漫興趨走類慙官節
近菖蒲鱗香餘芍藥欄兒童長命縷未老已愁看

早朝

問夜羣公至晨鷄久未號微風鳴劍珮暗露溼旌旄漏
送西清急星懸東井高朝簪時一縮閒逸愧詞曹

秋海棠

偶被昌州號何須工部詩丁香垂蓓蕾卯酒暈胭脂莖
弱西風怯葩鮮曉露滋最憐涼月夜翠袖倚疎籬

葡萄

涼蔭仍高架秋淡綠未殘朝暎明馬乳夜露濯冰丸沆
瀣流金掌馨香薦玉盤一從隨漢使鄉國路漫漫

送施尙白之山左

知君雖已晚早見扇頭詩謝朓高吟地風流復在茲飛
鸞驂桂嶺施嘗奉使粵西天馬籟雲達此去靈光殿抽毫待妙

辭

祈穀壇遇雪卽事

丁酉

祈穀辰逢穀田功舊典新神光連燎火雪影肅垂紳澤
慰三農望花先萬樹春奉璋聞帝語大有蒼明禋

春日遣意

二首

閒庭無客至風日媚青陽懶得微疴遂愁憑高臥償荷

鋤思眵晦載酒憶林塘但願官曹暇旬休復舊章

其二

解籜竹梢碧攀條杏蘂肥不禁風澹沲况值雨霏微寒
峭傾尊數陰濃步履違做裘相戀甚未可試春衣

縱麀

走險來何意相依日月淡雖緣避刀俎寧不憶山林付
託空王地馴調梵唄音近郊多獵騎春草莫重尋

賜杏恭紀

僊杏實初黃傳頒出尙方自天滋卮澤入夏足芳香拜

賜爭擎籠分甘乍啓筐相如瘳渴疾莖露不須嘗

夏夜同予袞齋宿翰林院

是日立秋

幾載棲遲地同人坐夜闌風蟬清窈眇露樹老巘岈火
伏三星徙秋行六月殘齋心良夙約靜語任更端

送高淑觀令龍南

十載鳴琴再茲行路更賒斗高看劍氣嶺近訊梅花芻
牧應無負干戈未有涯虔南歌孔邇迨遞莫興嗟

西苑晚直

戊戌

金堤容散步斜日逗輕陰汀鷺靜迎客荷風清入襟出

牆聞梵唱隔岸送挈音照影驚雙鬢空存濠濮心

寄友

當年琴酒客異地阻相聞把臂期頻失論心恨共分江
飛皖口雪山接秣陵雲欲折瑤華贈清秋待鴈羣

武場監射是日重九值雨

二首

海內威加日猶勤猛士思風馳千里足雲合五陵兒射
石長爭見登壇寄屬誰儒生司肄武穿札愧何辭

其二

洗兵天意厚急雨過秋原山翠交旗影沙形淨埒痕空

開楊葉箭已失菊花樽物役銷時序微衷未敢論

送曙東亳州

嘶馬去翩翩譙城路計千腰間新墨綬囊裏舊朱絃作
吏何妨拙能貧已足賢論心余共爾如水自當年

早春齋居對雨

巳亥

疑霰翻成雨微和識載陽梅魂新綠返杏孕小紅藏益
有觀魚樂庖無議鮒章百年艱晷刻俯仰感流光

微尚

棲棲何所就微尚竟蹉跎宦拙情原恕年增慮轉訛丹

砂燒鼎幻黃獨遯山多誰信塵勞客遐心在碩邁

捷書

滇池初闢土送喜捷書飛枕席千軍過壺漿六詔歸窮
追詳地利休養異戎機好慰雲霓望先聲振武威

二月大雪

雪較三冬劇寒增二月中霑衣輕墜粟融砌溼因風素
影迷巢燕青柯換井桐

月今三月
桐始華

昭蘇應有意舉趾念

田功

送嚴子餐給諫假歸

重載圖書返非徒憶故林堂坊占未協風木感何深獻
替千秋事君親一寸心揚舩春水好敢惜暫分襟

清明

春霽連朝好條風暖漸酣庭柯萌淺綠天宇媚柔藍改
火鄉愁換嘗飴客味諳年年先壟隔揮涕望畿南

郭外

近郭誰家墅幽尋偶到門短籬藤蔓老喬木鳥聲繁秋
色遂如此客懷無與言翻愁逢俗士車馬隔林喧

九日卽事

忽忽驚重九悠悠負歲華相看餘白眼解意只黃花野
客招難至鄰沽近不賒已甘搔首坐高會隔龍沙

天壇同予衰長人齋宿次石生韻

庚子

高唱投何速法言意轉幽不來人境外寧悟此生浮臘
井寒香賸晴軒暮靄收送君攜手處樹色隱園丘

清明赴南苑

望裏柳條青巾車度近坳吹花風側側釀雨霧冥冥陳
跡成今古遊人半醉醒自憐牽物役春色笑勞形

武闈監射再宿金剛寺呈梁玉立大司馬劉淇瞻

李漢清二少司馬

再宿招提境三年迹轉新清砧前度夢碧樹此時春推
轂先樞長披襟得故人屢偕過冀北尙愧九方歎

夏日偕長人過予袁園亭

跬步遲幽討眞成萬事慵同心諧宿約寓目遠塵蹤小
徑穿花曲高亭蔭綠濃爲君充二仲展齒許從容

送丘曙戒侍講判瓊州

玉署名流出珠崖別思淡酬恩齊遠近聞道略升沉瘴
海憑孤棹清淮憶盍簪翱翔客半刺蠻語且高吟

送金子京

辛丑

抱玉空歸去孤懷困益堅千秋雙白眼四海一青氈竊
祿慚同學窮經負少年離心通越徼天際片帆懸

送張澹脩邑侯

閭左今何有長才藉採時勿忘芻牧寄難緩爾絲期朝
迂飛鳧客郊逢狎雉兒一憑廉叔度疾苦問茅茨

送張赤菴之敘州

仗節辭青鎖褰帷過錦城荆榛收戰骨箐穴起遺氓
道仍遊犢瀘波欲徙鯨壯猷封事在此日試長纓

送馮漢翔

十年重握手幾日復分襟未決行藏策翻增聚散心交
慚青眼客賦就白頭吟安穩孤帆去秋江浪正淡

送田兼三假歸

壬寅

斲送桓驄去長安花正飛故人方惜別春色况同歸霜
露行多感松楸願不違青蒲虛左席天意在垂衣

寄懷張藍孺淮安守

絳帷塵黯後無地可酬恩世美傳弓冶君家好弟彘股
肱需臥治肝膽共誰論相憶憑魚素清淮接海門

秋夜聽琴

素琴宜靜士涼月况新秋露鶴鳴初警松濤曳復留重
雲高不隔四座默相酬恍惚成連權滄溟得共遊

九日長人園亭登高

二首

兩歲此登高亭臺散鬱陶寒香浮菊蘂風葉靜林臯跡
以琴樽密幽無杖屨勞相期敦古處非但酒人豪

其二

促坐高言浴窺簾片月清乍喧爭奔道忽默發琴聲歲
序無虛逝親交具遠情黃花知不負佳色燭邊明

西苑感舊

倬直當年迹風吹輦道塵舟移湖色黯鼎鑄冶痕新龍
氣淡藏雨鷗羣靜狎人秋雲棲短髻立馬獨霑巾

秋夜若水齋同用燈字

曲逕頻來熟幽尋况得朋殿香餘晚菊導月有疎燈鼓
摻漁陽壯琴言郢雪凝岑牟巖酒政飛竿氣憑凌

冬夜琴意

桐音寒愈發清夜奏高山入牖霜華淨盈堦月影閒牙
期難復起鄭衛竟須刪未得希聲解千秋愧一斑

文廟春祭卽事

二首
癸卯

開國崇經術投戈自得師卽今丹雘跡猶是治平基故

老悲軒鼎諸生泣頽池翠華曾戾止兩度見鴻儀

順治
中

特旨修文廟
凡再幸學

其二

長松紛月影荒廨似巖阿漏促眠頻警春寒氣未和友

朋零雨散身世隙駒過一紀重回首簪裾負媿多

壬辰
余以

史官同宋若木分獻時李貳公爲祭酒單拙菴爲司業
迄今十二年矣同人落落念之惘然

送金紫汾內擢假歸

畫錦催歸興離觴惜首途春波浮畫鷁卿月湛冰壺景
物奚囊擷庭闈綵服趨康成傳世業異代接雲衢

小園春意

三月俄將半春光太爛然一雙新鳥語幾樹早花妍載
酒何須鍤橫琴况有絃漸安岑寂味消息近中年

其二

朝雲濃似黛新雨細如絲柳溼鵝黃弱花霑蝶粉滋寒
暄衣不定杖屨徑頻移酒伴誰相過開軒遲所思

贈琴客

獨解羲皇意高懷寄指端朱絲鳴綠綺白雪間幽蘭雅
調尋常惜知音自古難莫教娛俗耳畱伴老林巒

齋前闢地數武因搆小臺雜植卉木偶成四章簡

長人

城市擬山林搜奇反累心何如因簡略聊取代高溪砌
種五株柳庭畱半畝陰日長無一事支枕聽鳴禽

其二

映竹開三徑誅茅得數弓短籬緣薜荔虛牖蔭梧桐風
雨無時隔琴尊有客同抽簪吾未敢莫漫擬牆東

其三

君家臺最勝吾亦效爲之偶爾閒登眺殊堪寄遠思南
風高樹度西岫晚雲披此地宜明月何當共一卮

其四

散髮銷長夏忘形自嗒然年華供蠟屐心事付安絃積
雨朱炎候長林綠暗天偶來叅石丈苔滑拜應顛

過傅掌雷李五鹿西邨卽事

同下皆恭詣 孝陵作

小墅依山趾幽尋未覺遙林端明返照草際度微颺不
減琴書興居然鷄黍邀聯鑣歸去緩榭葉晚蕭蕭

同止亭冰壺遊桃花寺

二首

寺在薊城東踞山翠微之半緣崖而陟雲林泉
石最勝止亭卽席爲記余率成二律二君屬和
雨過抵暮乃返

蘭若憑虛際同人快一登林淡風浙瀝徑仄石峻嶒絕
壁流雲合飛泉急雨增幽探殊未倦復上最高層

其二

泉源窮勝地鳴玉漱方塘絡壁藤蘿古參天檜柏涼旅
情俄已失畏景竟相忘老衲無塵慮桑麻語正長

苦雨 四首

淫雨驕長夏兼旬苦未休三光歸晦昧百谷失安流曲
沼堪垂釣坳堂欲泛舟西成殊可念豈獨老農憂

其二

忽訝苔生桁旋看菌集牀簷聲時斷續雲影互低昂敗
屋愁昏塾通衢歎望洋燭龍迷處所翹首待樽桑

其三

臥聽簷頭瀑淙淙又徹明木燒微有氣琴溽欲無聲睡
足忘冠履人來絕送迎更憐添鼓吹向夕亂蛙鳴

其四

待漏衝泥出愁霖下直歸僕夫憐况瘁穉子問調饑不
覩陽烏彩偏憎石燕飛朱炎行欲盡砧杵誤寒衣

喜晴

二首

畏景翻堪愛濃霧解駁餘篋開蒸溼藥庭曝漏殘書遠
岫還青峭高天復碧虛回思霧霏日真欲懼爲魚

其二

微風雲影破稍喜散炎黓溼溼呼僮掃張琴待客來沾
泥餘絳蘂繞砌足青苔已識秋期近新涼返照開

哭楊猶龍方伯

自蜀入覲返卒於道

海內推詞伯天邊舊侍臣
燕臺方折柳蜀道忽摧輪
封禪無遺草修文有故人
同節先逝者多千秋空灑淚風雅日荆榛

哭陳念蓋少司農

竝轡朝陵去憐君力疾行
如何隔旬月遽爾異幽明
宦序秋雲變交遊逝水驚
升堂瞻總帳一痛欲無聲

秋日子飛小亭觀竹

移得琅玕質蒼蒼繞屋稠
風傳天上籟綠澹座間秋
怪

石當窻靜寒花綴徑幽
相過原不厭况爲此君畱

哭胡予袞少宰

二首

榜下相逢始雙雙鳴玉珂
青綾同豹直赤紱共鸞坡
挂劍空餘恨調琴苦未和
遺文誰復覓宿草茂陵多

其二

疇昔過從地高亭曲沼邊
舊遊同一瞬此別遂千年
未度龍蛇歲明年甲辰
先成鵬鳥篇三生如有約
相訪葛洪川

送調臣

甲辰

來正當燈夕歸仍及早春
驗繻嫌候吏貽扇謝鄉人
倘

試穿楊巧何辭折柳頻東風吹馬足芳草漸成茵

詠蘭重悼予袞

鄰園荒草合忽復覩芳蘭初佩人何在同心臭已殘山
陽空有作流水更休彈寂寞求羊徑西風落葉寒

立秋喜晴

宿霧驅如洗西風報早秋陰晴人意改寒暑歲華迨一
葉黃初覺千山翠欲浮蟪蛄聲尙在遲暮得無憂

送郭仲因之蜀

自古松維界梯航不易開山川仍設險控扼正需才雪

嶺烽煙熄星關驛使廻遺民應引領爭逐細侯來

送張虎別之粵

相逢容鬢改况復對離尊老友幾人在前期未敢論鄉
心燕草暮驛路嶺梅繁試覓騎羊客仙踪或與言

甲辰除夕偶憶老杜四十明朝過之句因用爲起
語成詩二章以誌歲月余年適與同耳

四十明朝過勞人歲易侵酬恩筋力減懷古性情淡景
物喧鄰里煙霞憶故岑空齋仍靜好拂拭舊囊琴

其二

四十明朝過蒼蒼鬢影添塵衣猶未拂俗駕詎終淹爆
竹驚高枕寒梅馥小簾斗杓看欲轉徙倚曙光暹

